

علم حقوق

مقائیس قوانین مجتهد و عکبری

هرآی نشر اول نور

مؤسس و صاحبی که مایه جنبه مبعوثی : محمد عارف

نومرو: ۱۹

ایکینچی سنه — ایکینچی جلد .

استانبول — صراط مستقیم مطبعه سی

۱۳۲۶

اوروپا حكومت حاضرہ سنك تشكيلات سياسيه سی :

— ۳ —

پارلمنتو

انكلترہ پارلمنتوسی حقنہہ تدقیقا تمزی ، دہا زیادہ وضوح تأمین ایتك مقصدیلہ ، ایکی قسمہ تفریق ایدہ جکیز .
لوردلر قمارہ سنك ترکیب وعوام قمارہ سنك تشکلندن متعاقباً بحث واول امرده انكلترہ پارلمنتوسنك اساس تشکلاتی ایضاح ایدہ جکیز .
بعده پارلمنتویہ دائراولان قوانین عادات و تعاملاتك عمومی تلخیصاً پارلمنتونك وظائفی بیان ایدیلہ جکدر .

پارلمنتونك تشکلی

لوردلر قمارہ سی . — عوام قمارہ سی

لوردلر قمارہ سی

روحانی وجسمانی لوردلر . — انكلترہ نك ، بیوك بریتانیانك وقرالغك ارثاً لورد اولان اعضاسی ، اسقوجیا ، وابرلندا وکیللری لوردلر —
حقوقشناس لوردلر مجلس عالی رنسی و مأمورلری .

نوردلر قاره سی، صرف قنودالیه اصولنه مستند بر منشا و بعض تشکیلاتی
حائزدر. بو قاره بری روحانی، دیکری جسمانی ایکی عنصردن مرکبدر.

روحانی اعضالر قانتوربه ری وایثورق ایالتلرینک ایکی انکلیز سرایسقبوسبله
انغلیقان کلیساسنه منسوب سکسان انکلیز ایسقبوسی در.

ایکی سرایسقبوسبله لوندرد، دورام و ونجستر ایسقبوسلری حائز رأی
و حقوق، اعضاندرد. الک قدملیلرندن سکسان بر انکلیز ایسقبوسی بونلرک
رفقاسی در. بوایسقبوسلر وظائف روحانیلرینه بدأ و مباشرت تاریخنه نظراً
بر ترتیب و سلسله یه تابعدرلر. (سادور) و (مان) ایسقبوسی قاره یه داخل
ایسهده اعطای رأی حقی حائز دکلدرد. یدنجی هانزینک انکلتیرهده قاتولیک
کلیساسی یرینه رسمی مؤسس کلیسانی Es tablished church اقامه ایتدیکی
زماندن بری ۱۵۳۵ تاریخلی قانون احکامنه نظراً سریر سلطنتده کی قرال ایله
ورث و خلفلری انکلتیره کلیساسنک روی ارضنده یگانه رؤسای عالییه
اوله رق قبول و محافظه ایدلشاردرد. «بو حالده حکمدار سرایسقبوسلری،
ایسقبوسلری نصب ایتدیکی کبی رأساً و رسماً حائز اولدقلری شرف و مرتبه یی
توجیه اتمک صلاحیتی ده حکمداره عائددر.

اعضای جسمانییه اعضالی حقی حائز اولان عائله قرالی برنسلریله
اعضائی ارنا حائز اولان لوردلر، حکمدار طرفندن لورد تعیین اولنانلر،
اسقوجیا و ایرلند اوکیللری اطلاق اولتان لوردلرله حقوق شناس لوردلردرد.

ارثاً لوردلغه نائل اولانلر صورت آتییهده تفریق و تمیز اولنورلر: انکلتیره
اعضالری - بونلر تاریخ فنجدن ۱۷۰۷ ده انکلتیره واسقوجیانک اتحادینک نشر
و اعلاننه قدرکذار ایدن زمان اینجده اعضالغه نائل اولان لوردلرک اولادو
احفادیدر.

بیوک بریتانیا اعضالری - انکلتیره نک اسقوجیا ایله برلشدیکی کندن بیوک

بریتانیایک ایرلاند ایلله اتحادی زمانه یعنی ۱۷۰۷ - ۱۸۰۰ تاریخنه قدر کذران اولان مدت ظرفده احداث اولنان اعضاقلر اصحابی .

قراللق اعضالری Les vpairs du royaume unis بیوک بریتانیایک ایرلاند ایلله اتحادندن یعنی اون طقوزنجی عصرک ابتداسندن اعتباراً کندیلرینه لوردلق توجیه ایدیلنلر .

ارثی اعضاقلر حکمدار طرفندن احداث اولمشدر. ارثی اعضاقلری تاسیس واحداث ایدن فرمانلرده مطرداً « یکی اعضانک وورنه سنک پارلمنتوده مکان و موقعی وراثی اوله جنی » محرردر . عمومیتله متوفانک مخلقاتی ارکک اولاده مخصوصدر . « یکی اعضانک قانندن صورت مشروعهده خروج ویا تولد ایتک » ؛ فقط بیورلدی ایلله توجیه اولنان بارونلقلر ایچسون عسوانک « قانی تمقیب » ایتسی واولاد یوقسه برادرلرله بونلرک وارثلرینه و برادرلرله همشیره لرده بولمنازه عمومجه لرله بونلرک ورثه سنه کچمسی قاعده دن در . عینی درجهده ارکک وارث بولمنازایسه انجق بوتقدیرده قادینلر خلف اوله بیلیر و بابا برقر داشا Frères de demi-sang انا ، بابا برقیز قرداشلره تفوق ایدرایسهده قادینلرک اوزاق برنسملک ارککلرینه مرجحدرلر . حقوق ارثیه لری موجبجه قادینلر اعضالغه دعوت اولنجه by her own right پائرسس عنوانی احرازه حقلری اولور . بونام بوقادینلری لوردلر قماره سی اعضاسنک زوجه لرندن تفریق و تمیز ایدر . اعضا زوجه لرینه له دی Lady عنوانی یالکیز تراکه بخش اولمشدر . قمارهده اعطای رأی به رس دنیان قادین اعضانک حقوق اصلیه سندندر . بوحقی آخری توکیل صورتیه واجتماعه داخل اولمقسزین استعمال ایدرلر . وکیللرک لورد اولمی شرط دکلدرد . بوحالده وکیللریالکزر رأی ویرمک حقنی حاز اولوب مناقشات ومذاکرته اشتراکه صلاحیتدار دکلددرلر .

لوردلغه ارثاً نائل اولان اعضا ۳۱ یاشنده قماره به داخل اولور .

ارثاً لورد اولانلرک یاشنده استوجیا وایرلاند وکیللری اولان لوردلر اخذ

موقع ایدرلر . بونلرک قارمیه اشتراك واعطای رأی حقاری ارثی اولیوب
ملکترینک اصلزدکاک انتخابیه حاصل اولمشدر .

انکلتزه ایله اتحادندن مقدم اسقوجیانکده پارلمتوسی وبوپارلمتوده ۱۴۵
اسقوجیالی اعضاسی وارایدی . بونلرک کافه سنه لوردلر قارمیه دخالت حقنی
بخش واعطای چوق کورندیکندن Pair دنیان اعضانک صفت اصالتی ایله
پارلمتو اعضاسی آراسنده برفرق تأسیس اولندی .

مقاله نامه اتحادک ۲۳نجی ماده سنده «بوتون اسقوجیا اعضاسی وبونلرک وارث
شرف و اقباللری اولانلر فیابعد بویوک بریتانیا اعضاسی اوله حققر واتحاددن
اول تأسیس اولنان عین صنف ودرجه ده کی انکلتزه اعضاسی صنف و تشریفات
خصوصارنده ولی و تعقیب ایده جکار واتحاددن صوکره تشکیل ایدیله جک عینی
صنف ودرجه ده کی بویوک بریتانیا اعضاسندن اول کله جکاردر » دنیلمشدر ؛
پارلمتویه اشتراك مسئله سی ایچون هر پارلمتونک اثنای انتخابنده اسقوجیانی لوردلر
قارمیه سنده تمیل ایده جک اوناللی اعضاسی بینلرندن انتخاب ایتک اوزرنده
اسقوجیا اعضاسنک اجتماعی قرارلشدیرلمشدر . انتخاب اولنان اعضا اسقوجیا
لوردلری در .

اسقوجیا کی ایرلاندانکده پارلمتوسی موجود واتحاد زماننده ایکی مجلسدن
مرکب ایدی . بوتون ایرلندا اعضالری عنوان و امتیازلرینی محافظه ایتدیلر .
اتحادک وقوعی زماننده موجود اولان اعضادن اوچینک وفاتی حالنده حکمدارک
یکی بر اعضا تعیین ایدمیلیمسی و ایرلندا اعضاسنک لاقول یوزکشی اولمی
قرارلشدیرلدی . ایرلندا اعضاسی ایرلاندانی لوردلر قارمیه سنده تمیل ایده جک
لوردلر یکریمی سکزی اعضاسی کندی "بینلرندن انتخاب ایتدیلر . ایرلاندانی تمیل
ایدن بواعضا قبدحیات شرطیه انتخاب اولندیلر .

جسمانی اعضا میاننده مقداری پک محدود اولمق اوزره برده حقوقشناس

اعضا وارد. ۱۱ اگستوس ۱۸۷۶ تاريخي بر قانون حڪمداره اكا بر مأمورين عدليه ميانندن درت حقوقشناس اعضا لوردلر قماره سنه انتخاب ايتك صلاحيتي بخش ايتشدر. بواعضالوردلر قماره سنه يالكز مدت مأموريتهلرنجه داخل اوله بيلوب تقاعد ايدلر كدن صوكر يالكز لورد عنواني محافظه ايدرلر سده پارلمنتو اعضائي نهايت بولور.

خلاصه جسماني اعضا مياننده انكلتره، بوبوك برىتانيا وقرالاق لوردلر كي بر قسم ارناء؛ اسقوجيا و ايرلاندا و كيللري كي ديكر بر قسم ده اسقوجيا و كيللري كي عوام قماره سنك قانوني يعني وكالتى مدتجه و ايرلاندا و كيللري ده بر حيات بولند قجه محافظه ايتك اوزره انتخاب ايله اعضالى حقنى حازر و حقوقشناس اعضانك صفتنى وظائف عدليه لر ينك اجراسى زمانيله مقيددر.

اسقوجيا و ايرلاندا اعضاسنك انتخاباتندن متولد اختلافاتى لوردلر قماره سى حل و فصل ايلر. اعضا رايى يابالذات يا وكالت صورتيه اعطا ايدر. قادين واراك اعضاى جسمانيه Les pairs et pairesseس انجق اهانترلى حالنده لوردلر قماره سنجه محكوم اولورلر. عنوانلر يي يالكز رفع ايديلير سه غائب ايدرلر.

مصونيت بعث L'inviolabilité parlementaire قاعده سيله مجهزدرلر. كنديارينه هيچ بر تضمينات و تخصيصات و يرلر.

اولجه بيان ايتش ايدك كه حقوق نقطه نظرندن باش و كيل لوردلر قماره سنك رئيسيدر. فقط رياست ايتديكي مجلسك اعضاسندن بولغسي شرط دكلدر. اكر اساساً اعضادن دكلسه رايه اشتراك ايدمهز. هر حالده رايى نافذ و مرجح دكلدر. لوردلر موافقتى اولقسز ين مجلسى تاخير و يارزوسنى ترويج ايتديره مز.

رئيسك اوطورد يني يوك مندر اوطه نك ارقه جهتنده در، او حالده كه اكر رئيس سوز آلق ايسترسه قالقوب دوقرك بولندي يي برنجى صرايه قدر ايلر يله مك مجبور يتندهر.

لوردلر هر دورۀ اجتماعیه ایچون بر قومیتہ رئیسیتخاب ایدرلر مجلس قومیتہ حالندہ اشکل ایدرسہ بوزات ریاست ایدر (۶۲۵۰۰ فرانق معاش آلیر .) حکمدار طرفندن انتخاب اولنان پارلمنتو باش کاتی ، باش وکیل طرفندن منتخب باش کاتب معاونی وضبطنامہ لری تنظیم ، مذاکرات مسودہ لری حفظ وطبع ایشلاری تأمین وتسویہ ایدن کاتبلر لوردلر قارہ سنک باشلیجہ مأمورلرندن در . [۱] jarrotière دنیلن مأمور مخصوص مجلسک امور ادارۀ داخلہ سنی تسویہ و کوچوک مأمورلری نصب ایلر . باش وکیلک تحت امرندہ بولان آرمہ جاوشی ویا محافظی Sergent d'armes مجلسہ مخصوص اولان عصایی [برنوع آرمہ لی باستون] طاشیر . [۲]

لوردلر قارہ سنک استقلاللی قطعی در ، زیر اوهیشک تعطیل ایدلمسی جائز اولمیدنی کی اعضایی ده مجلسده حاضر بولنق حقندن هیچ برکیمسه محروم ایدہ مز . بوشرائط لوردلر قارہ سنک همان برحاکم مطلق اولدیغنه و موافق کوررسہ مملکت طرفندن الکاجیق بر صورتده بیان و اظهار اولنان تمنیاته مخالفت ایتمک وعوام قارہ سنک برسی و اثر تشریعیہ سنی عقیم براقق حقارینی حائز بولندیغنه دلالت ایدرسده بواققدار مطلق ظاہری اولوب لوردلر قارہ سنہ حکمدارک غیر محدود مقدارده اعضا تعیین ایدہ بیلمسی امتیازی قارہ سنک اقتدار مطلقنی حقیقتده تعدیل ایتمشدر . [۳]

لوردلہ ندورست دیوردی که « قرال بوتون برطابوری لوردلر قارہ سی اعضا لغنه ترفیع ایدہ بیلیر . » بوصلاحیت فرط معدلت ویا برقوۀ تعدیلیہ Summujus ایسده مملکت و پارلمنتونک اعتمادینی حائز اولان نظارک رأی وتنسیبی اوزرینہ ایجاب ایدن اعتدال و احتیاطلہ اجرا اولندیغندن عوام قارہ سنک

[۱] بتون بومأمورلرک معاشاتی پک زیاده در . مصارف اسکانیہ لردن ماعدا پارلمنتو باش کاتبک یوزبیک و باش کاتب معاوننک التمش ایکی بیک فرانق معاشی وارددر . باش کاتبک تقاعد معاشی الای بیک ، معاوننک اوتوزیدی فرانق در .

[۲] معاشی اوتوزیدی بیک بش یوز فرانق در .

[۳] الیوم لوردلر قارہ سی اعضایی ۶۱۳ کشی در .

غير محق رد و اصرار لری احتمالاً رینه بونی و باخصوصی لورد غره يك « اهلينك »
شدتله و عموميتله اظهار ايتديكي برفكر عوام قاره سنك فكري ايله توافق
ايتمشدره کي سوزلرینه نظراً [۱] حکمدارک بوصلاحیتی پک مؤثر برتدیردر.
لوردلر قاره سنك اکثریتی تعدیل ایچون حکمدارک یکی اعضا انتخاب
ایتمک صلاحیتی اولمی کیفیتي حکومته اویله برسال ویررکه بوسالاح عوام
قاره سنه قارشى حاز اولدینی حق فسخه مماثلدر .

قابل به نرمان قاینه سنك موقع اقتداره کلدیکی بالخاصه تحصیل ابتدائی
قانونك عوام قاره سنجه رد ایدلدیکی زماندن بری ایکی قارانك مناسباتی پک
زباده کرکینشمشدر .

فرقه عوامك فریاد مخالفت و محاربه سی « لوردلر قاره سنك یاتبدیل شکل
و اصلاحی و یاخود زوال و مماتی « Mendorend » اولور .

لوردلر قاره سنك حال و موقعی پک وخیمدر . اثر فعالیت ابراز ایدرسه
عوام قاره سنك تهدیدینه معروض قالیر ؛ برعطالت و کسالت تامه و مطلقه به تابع
اولورسه کنددی کندیسنی اولدورمش اولور .

[۱] دردنجی کیوم ايله لورد غره يك مکتوبلری ۱۳ کانون ثانی ۱۸۳۲